

REFERAT

Frå møte i Landsrådet for saueavl 15. mars 2001

Møtestad: Quality Airport Hotell i Stjørdal

Deltakarar: Sigurd Krekke
Olav Tiller
Tormod Ådnøy
Lars Erik Wallin
Signe Dahl (observatør)
Inger-Johanne Holme (observatør)
Leiv Sigbjørn Eikje (observatør, sekretær)

John Olav Husabø, Rolf Aass og Tone Maria Hanssen hadde meldt forfall før møtet.

Møtet starta kl. 13.00 og vart avslutta kl. kl 17.00

Sak 16/01 Godkjenning av innkalling

Referat frå forrige møte var ikkje klart til møtet.

Vedtak: Innkalling vart godkjent utan merknader

Sak 17/01 Fordeling av midler til det fylkesvise avlsarbeidet på sau og geit

Det vart, i søknad frå Norsk sau- og geitagslag om budsjettmidler for 2001, søkt Omsetningsrådet om støtte til fylkesavlsutvalga sitt sekretærarbeid. Søknaden var fyrst og fremt sendt for å berga situasjonen der fylkesmannen si landbruksavdeling dessverre heilt eller delvis har trekt seg frå avlsarbeidet. Etter at ein hadde fått tilsagn om at midler ville verta bevilga vart det sendt brev frå Nsg, v/ generalsekretær og avlskonsulent, til fylkeslaga, der ein ba om at budsjetta for 2001 skulle sendast inn. Med bakgrunn i dette skulle midlane fordelast på ein best mogleg måte.

Det er framleis nokre fylke, der fylkesmannens landbruksavdeling har trekt seg ut, som ikkje har sendt inn budsjetta.

På møtet i landsrådet vart eit forslag til fordeling sett opp.

Vedtak: Avlskonsulenten får fullmakt til, ut frå dei føringar som er gitt av landsrådet, å setja opp eit endeleg forslag til fordeling av midler frå Omsetningsrådet.
Forslaget skal då oversendast styret i Nsg.

Sak 18/01 Opplegg for indeksutrekning 2001

Med bakgrunn i det utviklingsarbeidet som er gjort med omsyn til bruk av nytt indeksuttrekningsprogram og utprøving av morsevneindeks basert på vårvekt vart det diskutert kor mykje som kan gjennomførast til hausten.

Lammeindeks og samanslåing av berekningspuljer vart og diskutert.

Vedtak: Hausten 2001 vert indeksane berekna på same måte som føregående år.

Ein skal ikkje lenger gje 3 poeng ekstra på O-indeksen til avkom etter seminfedre frå ei anna berekningspulje.

Etter hovudindeksutrekninga vert morsevneindeksar basert på vårvekt og morsevneindeksar basert på vår- og haustvekt, berekna i nytt indeksuttrekningsprogram, sende ut til utvalgte buskapar i fylka som har gjennomført frivillig vårveging.

Med bakgrunn i tilbakemelding frå de utvalgte buskapane og vidare vurderingar i landsrådet, vert det bestemt kva indeksutrekning for morsevne som skal nyttast vidare. Endringar vil tidlegast finne stad hausten 2002.

Lammeindeks vil tidlegast kunne verta innført hausten 2002.

Målet er at berekningspuljene for spæl skal slåast saman til 1 eller 2 puljer hausten 2001. Dette vil verta bestemt etter utprøving som vil finne stad våren og sommaren 2001. Før det vert endringar, vil ein be om synspunkt frå avlsutvalga.

I kor stor grad ein kan slå saman berekningspuljer for Norsk Kvit Sau vil og verta vurdert, men vil tidlegast verta gjennomført hausten 2002.

Ein vil halde fram med å ha ein styrt bruk av seminvêrene på fylka/berekningpuljene.

Sak 19/01 Forslag til endring av kåringsreglane

Frå Møre og Romsdal sau- og geitalslag var det kome forslag om at avlsutvalget skal kunne dispensere frå setninga i reglar for kåring av vêrlam som seier at vêrlam etter kåra ikkje avkomsgranska verer, ikkje kan kårast når faren er eldre enn 2 år.

Tidlegare har ein motteke skriv frå Rogaland sau- og geitalslag, som vart handsama under orienteringssaker på forrige møte, sak 14 b), der dei er ueinige i ovanforneemde setning i regelverket.

Landsrådet for saueavl har heile tida meint at ein skal kunne dispensere for dette, men ser at ei betre presisering kan vere nødvendig.

Vedtak: Landsrådet går inn for at følgjande vert ståande i regelverket for kåring av vêrlam f.o.m hausten 2001:
” Lam etter fedrar som ikkje er kåra eller avkomsgranska og vêrlam etter kåra, ikkje avkomsgranska vêrar, der faren er eldre enn 2 år kan ikkje kårast utan at det er godkjent av avlsutvalet.”

Sak 20/01 Samarbeidsrådet for sauekontrollen sitt vedtak vedrørende Lindholt Data

Med bakgrunn i Samarbeidsrådet for sauekontrollen sitt vedtak om at ein ikkje lenger kan senda data elektronisk frå dataprogrammet Led-sau til sauekontrollen, og følgjene ein meiner det vil få låg det føre brev frå ”Værholdet i Nord-Trøndelag. Avd nord, Namdal”, der ein ber om at Landsrådet for saueavl legg all si tyngde i å få omgjort vedtaket.

Vedtak: Landsrådet for saueavl kan ikkje gjere noko for å endre vedtaket som vart fatta i Samarbeidsrådet for sauekontrollen angående bruk av dataprogrammet Led-sau.

Sak 21/01 Planar for fersks ædstasjonen for sau i Hordaland

Til møtet låg det føre skriv frå avlsutvalget for sau i Hordaland der ein tek opp framtidige moglegheiter for fersks ædstasjonen i Hordaland. Dei har fått signal frå Stend jorbruksskule skule om at dei kan tilby framtidige lokaler med tilhøyrande beite og finn dette svært interessant.

Brevet er stila til Nsg Semin A/S med kopi til landsrådet. Landsrådet fann det likevel naturleg å drøfte saka.

Vedtak: Landsrådet for saueavl meiner at det er sær viktig at ein gjer eit grundig forarbeid før ei endeleg avgjersle omkring framtida til dei lokale fers ædstasjonane finn stad. Mange forhold må vurderast før ei endeleg avgjersle vert tatt. I samband med at framtidige moglegheiter for fersks ædstasjonen på Særheim i Rogaland og ligg føre (jmf sak 15/00) meiner landsrådet likevel at ei endeleg avgjersle kan måtte finne stad tidlegare enn det som er sagt i sak 51/99, der det heiter at drifta av dei lokale ferss ædstasjonane bør vurderast når prosjekt småfesemin vert avslutta.

Ein meiner det må vurderast ekstra nøye om ein kan ha fersks ædstasjon i tilknytnad til ein jorbruksskule med omsyn til fare for sjukdomssmitte.

Sak 22/01 Gjennomgang av opplegg kring landssamling for avlsutvalga for sau

I samband med landssamling for avlsutvalga for sau i Stjørdal 16 og 17 mars gjorde ein dei siste førebuingar.

Vedtak: Det skal skrivast referat etter at landsamling for avlsutvalga for sau er ferdig, der ein ber avlsutvalga kome med ei grundigare tilbakemelding på saker som må diskuterast meir, utover det som vert diskutert på samlinga.

Sak 23/01 Orienteringssaker

- a) ”Værringane som foredlingsbuskaper?”
 - brev frå distriktsveterinæren i Andøy til Nsg v/Ingeborg Nygaard
- b) ”Kommentarer til seminsesongen 2000 og ønsker for sesongen 2001 for spæl”
 - brev frå Hallingdal spælværring til Landsrådet for saueavl
- c) ”Problemer med sauekontrollen”
 - brev frå Håvêraring til Sauekontrollen med kopi til m.a Landsrådet for saueavl
- d) ”Import av embryo frå Islandsk spælsau for å auke kjøtfylden i den norske spælsauen”
 - Søknad om støtte til prosjekt sendt Tiltaksfondet for småfe og fjørfe mm. og SND frå Landsrådet for saueavl og Kvinesdal seminring
- e) Kontaktmøte i Vest-Agder

Vedtak: Orienteringsakene vart tatt til etterretning

Sak 24/00 Eventuelt

Søknad om stipendiatstilling

I brev til styret i Nsg i februar informerte landsrådet om at ein ønskjer å halda fram med utviklingsarbeid innan semingransking på sau. Landsrådet ønskjer difor at det vert søkt om forskningsmidler til oppretting av ei forskar eller stipendiatstilling innan dette fagområdet.

På møtet i landsrådet diskuterte ein vidare arbeid med utforming av søknad mm.

Vedtak: Ein vil be styret i Nsg om ei endeleg godkjenning til å arbeida vidare med oppretting av ei forskar eller stipendiatstilling innan semingransking på sau.

ref.

Leiv Sigbjørn Eikje